

臺灣文獻匯刊

■ 陳支平 主編

第一輯

第四冊

◎◎ 九州出版社
廈門大學出版社

臺灣文獻匯刊

第一輯 ◎ 第四冊

海上見聞錄
重編燼余集
及春堂集
路文貞公集

◎◎九州出版社
◎廈門大學出版社

海上見聞錄

海上見聞錄

阮旻錫 撰

《海上見聞錄》，同安阮旻錫撰。旻錫字疇生，明諸生。

甲申後絕意進取，出覽名山大川，後逃於釋氏。著作有《擊築集》、《海上見聞錄》、《夕陽寮詩稿》等。《海上見聞錄》有多種鈔本，商務印書館曾於 1911 年鉛印出版，收入《痛史》第 14 種。廈門市鄭成功紀念館於 1980 年搜集整理另一種民間發見的《海上見聞錄》定本，1982 年由福建人民出版社出版發行。此次影印出版的《海上見聞錄》定本，與上述兩種又有所不同。該鈔本原藏福建省圖書館，文後另附史得威：《維揚殉節紀略》。均可與南明的其他史料相互參照。

海上見聞錄定本卷上

鷺島道人夢庵輯

崇禎十七年甲申三月北京陷崇禎帝亡

大清順治元年

五月十五日誠意伯劉孔昭司禮韓贊周等立福王於南京改

元弘光

兵部尚書史可法請督師

北鳳陽總督馬士英入專國政

封福建總兵鄭芝龍南安伯賜蟒衣

海上見聞錄



乙酉順治二年 南京弘光元年

封鄭鴻逵為靖虜伯

清兵破揚州史可法死之

五月 清兵渡江弘光走至蕪湖為降將劉良佐擒解豫王

總兵扼江鄭鴻逵鄭彩等擁舟師不戰走還閩至浙於江口逢

唐王鴻逵奉之至福州巡撫張肯堂巡按吳春枝吏部黃道

周安南伯鄭芝龍等會議監國鴻逵固請正位以閏六月十

五即位改元隆武

起曾櫻何梧騶等入閩辦事晉封芝龍平虜侯尋封平國公鴻

達為定虜侯尋封定國公芝豹為澄濟伯鄭彩為永勝伯賜
平國公長子森賜姓名成功封忠孝伯

賜姓以天啓甲子年七月十五日生於日本國母顏氏後芝
龍遣人將母子取回方七歲有志讀書聰敏不羣年十五補

南安縣學廩生

封平國公部將施天福為武毅伯洪旭為忠振伯林習山忠定
伯張進忠匡伯陳輝忠靖伯定國公部將陳豹為忠勇侯林
察為輔明侯以鄭鴻達為大元帥出浙東鄭彩為副元帥出
江西既出關疏言餉缺逗留如故於是黃道周請募兵江西

海上見聞錄

隆武為給空劄百函為行資兵敗於婺源為所獲送清兵南都不屈與中書賴雍蔡繼等俱死之

八月隆武詔至粵西有靖江王稱監國不奉詔總制丁魁楚巡撫瞿式耜擒送至閩斬之

時鄭遵謙起兵江上與張國維陳函輝熊汝霖等迎魯王於台州監國駐紹興遣都督陳謙奉書至國謙前齎南安伯勅印與平國相善平國邀之陞見啓函稱皇叔父不稱陛下隆武怒御史錢邦芑密勸隆武殺之夜半內傳行刑倉卒不及救平國痛憤甚先是平國已密遣人通內院洪承疇御史黃熙

亂至是又微聞監國錢唐信息乃稱缺糧餉檄守將施天福等回而閩兵無糧逃散不守矣

丙戌順治三年 海上稱隆武元年

三月 清貝勒王駐兵錢唐北岸

五月江上兵潰

六月初一日 清兵渡江江潮不至方國安馬士英欲獻監國為投降計遣人守監國守者病乃得脫逃上海船督師張國維興國王之仁兵部陳函輝大學士朱大典俱死之方逢年方國安俱投降馬士英逃至台州小寺 清兵搜獲後與國

海上見聞錄

安父子逢年俱斬於延平城下眷口給賜兵丁阮大鍼迎降過嶺自投崖死仍戮尸將移關守將陳秀郭曦投降而仙霞無一守兵隆武於八月定計幸贛未至一日晒龍鳳衣陳謙之子率數騎追至遂及於難

九月 清兵至泉州芝龍退保安平鎮貝勒令泉紳郭必昌招之以洪黃之信未通未敢迎師貝勒与之書畧曰吾所以望將軍者以將軍能立唐藩也且兩粵未平今鑄閩粵總督印以相待芝龍得書大喜賜姓力諫不聽十一月至福州見貝勒置酒甚歡夜半挾之以去從者皆不得見至京封同安侯

丁亥順治四年 是歲桂王即位於肇慶改元永曆

初芝龍撤兵密諭賜姓欲與俱見貝勒賜姓不從定國陰令逸去至是乃率所部入海芝豹獨奉母居安平鎮鄭彩率師至舟山迎監國魯王南下魯王封鄭彩為建威侯尋晉建國公其弟鄭聯為定遠伯尋晉侯鄭彩及閣部熊汝霖進取福寧州諸縣響應遂入興化府熊閣部鼓舞起義諸起義者皆來給劄兵至數萬多烏合鄭彩謀奪其權雖與之結姻忌之乘夜遣兵攻其舟并全家殺之於是義兵憤怒解體時義兵所在蜂起汀邵並亂據建寧閩郵為阻是夏京中命王大人陳

海上見聞錄

錦佟國器李率泰督兵至破建寧屠之所失州縣盡復鄭彩至海壇復為鄉兵所敗遂同魯王至廈門時鄭聯亦糾合浦南橋義兵楊重等攻入漳浦縣以龔有楨為縣令未幾縣破有楨被執不屈被高鄭聯率義兵攻海澄縣然見敵騎即走爭舟墜水死者甚多平和縣曾慶等與詔安等處義兵立德化王慈華據將軍寨陷大昌攻順昌將樂然皆為清兵所敗隆武之亡也舊相蘇觀生何吾騶遁回廣東與右政使顧元鏡於十一月立隆武弟唐王聿錫監國年號紹武十二月清兵李成棟率兵襲廣城副將杜永和獲紹武并周王益

王遼王等盡殺之觀生從死吾騶元鏡皆降福省既陷兩廣
總督丁魁楚與廣西巡撫瞿式耜會議監國皆言永明王賢
且為神宗嫡孫應立王諱由榔桂王子初封衡陽以寇亂徙
梧州會桂王薨以哀經於十月十四日監國改元永歷以肇
慶府署為行宮魁楚呂大器為大學士式耜以吏部侍郎兼
閣學掌銓事封總兵陳邦傳為思恩侯尋晉慶國公後廣西
破投誠率兵追永歷為李定國所擒父子俱死

時賜姓謀舉義而兵將戰艦百無一備往南灣召募聞永歷即
位粵西遙奉年號稱招討大將軍罪臣有眾三百人於廈門

之鼓浪嶼訓練委黃愷於安平鎮措餉識者知其可與有為
平國舊將咸歸心焉八月以洪政陳輝為左右先鋒楊才張
進為親丁鎮郭泰余寬為左右鎮林習山為樓船鎮進兵攻
海澄扎祖山頭數日援兵至洪政中流矢與監軍楊期演俱
死之遂退兵入粵會定國公進攻泉州列營桃花山清提
督趙國祚率數百騎衝營張進楊才迎戰定國遣林順等夾
攻大破之別遣水兵破溜石砲城斬叅將解應龍軍聲大振
泉紳郭必昌之子顯欲內應國祚殺之滅其家並擊故相黃
景昉等國祚酷虐泉民不敢喘息九月漳州副將王進率兵

來援圍解

戊子順治五年 海上稱永曆二年

閏三月賜姓攻同安 清守將廉印知縣張效齡遁遂取之

七月陳佟李援師至遂攻同安城八月城陷 將兵晉林壯猷

全軍盡沒知縣葉翼雲教諭陳鼎死之屠其城殺五萬餘人

同安血流之讖應焉

先是同安諸生陳姓綽號泥鰍者回至羅漢山中所稱生閩
羅者授以片紙云泥鰍死半途同安血流溝嘉禾斷人種安
平成平埔陳果至小盈嶺而死是後凡獲滿兵輒斷掌放回

以應之然後來安海城竟毀折而廈門竟遷空無人歷一紀云

是歲大饑賜姓及建國公鄭彩各發兵民船至高州羅米州為思恩侯陳邦傳所轄賜姓船免餉餘照丈尺徵餉船有千餘多是民舟斗米閩中近千錢也時海上藩鎮分駐各島監國魯王別將平夷伯周鶴之聞安侯周瑞定西伯張名振總兵阮美等守舟山至沙埕鄭彩鄭聯守廈門令定國公守平安之白沙使其將陳豹守南灣賜姓泊廈門以親丁三百人遣其故錦衣衛鄭芝鵬護家眷使張進守銅山所太子太師鄭

香守海澄之石尾有衆數千人後為清兵所破二子鄭廣
鄭海死焉然糧餉缺乏取之民間而鄭彩營將章雲飛等擾
民尤甚定國公遂率舟師至潮州隨地取餉

已丑順治六年 海上稱永歷三年

廣東提督李成棟反正迎永歷於是永歷有船使令以為恢復
在即詔各勲鎮考試諸生赴廣省進場賜姓遂送考生員葉
后詔洪初闢等十數人同黃志高齎本赴行在舟至潮陽遭
風飄壞餘人不得達獨志高至粵詔以為兵部職方司主事
使監賜姓軍命以舟師查取南都其後賜姓入長江承此詔